

晚晴移詩匯

晚晴移詩匯卷九十九目錄

查昌業 一首

史鑑 一首

楊汝諧 六首

何士顒 二首

喬大鴻 二首

吳興炎 一首

劉兆彭 一首

周遜 一首

胡玉昆 二首

諸廷槐 三首

徐兆魁 三首

沈端明 二首

湯修業 一首

朱箕 三首

冒春榮 二首

郭元灝 一首

石渠 三首

湯擴祖 一首

王廷享 二首

方竹 一首

黃家鳳 一首

張炯 一首

蔣謙 三首

李夢松 三首

劉堦 五首

牟犴 二首

王克紹 一首

于學謐 一首

張鑄 二首

鄧克劭 一首

趙鶴 二首

馬體孝 一首

劉王 一首

劉時英 一首

李尙德 二首

潘性敏 一首

吳錠 三首

金孝懋 一首

金孝純 二首

孫魯 二首

何文煥 六首

陳萊孝 二首

曹煒南 一首

蔣元 二首

張誥 二首

何琪 一首

吳琦 一首

盛復初 一首

費辰 一首

楊奏瑟 二首

李寅熙 二首

沈家珍 一首

邵鏊 三首

左逢聖 一首

賀國華 四首

陶必銓 一首

何煥 一首

張世濬 二首

王壽椿 三首

何人鶴 二首

晚晴移詩匯卷九十九

徐世昌

查昌業字立功號次齋天津人有秣菴館集

苑口晚眺

三港迷離水接煙趁墟人去晚來天斷橋雜樹碧雲外落
日亂鳧紅渡邊野寺無鐙聞遠磬空山有月見歸船勞君
西指長安近遷客多應住輞川

史鑑字晉狐號鏡湖天津人貢生

雨天卽事

睡起渾無事庭前得自如野花三徑滿村酒一杯餘詩逐
層雲起人緣積雨疏眼看秋又到搔首獨踟躕

楊汝諧字皆言一字柳汀江南華亭人有崇雅堂詩鈔

詩話柳汀善書兼工六法詩以意爲主色
蒼詞磊善寫情工體物沈學子頗稱之

游蝙蝠洞

層巒纒及半怪石劃然開亂瀑垂巖牖流聲到講臺道心
依湛寂人語落崔嵬日暮雲歸岫紛紛蝙蝠來

紅橋修禊和盧運使

見會韻

麴塵遙趁木蘭舟疊鼓鳴笳坐兩頭勝事百年流曲水春
心三月滿揚州煙花南部憑料理冠蓋西園好唱酬自是
老臣多燕喜清暉何限足句留

清華憶煞永和年吹盡錫簫水檻前十萬酒旗春市海三
千玉指伎人船繡輪競接香塵滿珠樹遙臨壁月圓合有
吳孃聯袂去茶歌飛斷蜀山巔

璵閣雲房窈窕通名園蝴蝶自西東榻來上客題芳樹往

聽初鶯坐輒風細草鋪茵迴輦道晴山暖翠落杯中小秦
淮水桃花漲人影衣香入靄濛

碧螿朱欄夾鏡明巷中春腳賣花聲香驚小馬人扶醉詠
到官梅雪鬪清江左金齋誇上水竹西蓮炬照歸城冶春
樂府從頭唱分付紅牙譜細更

龍井紀游

廿年夢想風篁嶺茲游方遂平生期短筇扶我入深谷龍
泓水滿山腰池尋源直到碧厓頂水簾十丈無人知苔衣
蘚髮翠欲滴奔騰下注千頃陂湖不可淫江不屈比之有
道非阿私坐令辨才息行腳况復二老多題詩其中產茶
甲眾嶺明前雨後分槍旗一椀乍辨色香味泠然始信清
心脾我鄉宗伯董文敏公劇好事剏碑要並秦米垂蝕餘漭漫

不可識但覺古意饒幽姿層梯曲折俯絕巘湖光一罅閒
中窺山雲變幻翳林木野花紅白紛交披叢篁鳥拂新粉
墮落日漸與西峯離徘徊竊恐山靈笑登頓已足忘其疲
還須直詣遠公宿坐遲新月懸蛾眉

何士顒字南園江甯人諸生有南園詩選

詩話南園爲諸生喜詩厭制藝居城市猶山林讀儒
書樂近方外袁簡齋稱其薄醉微慵雨餘風停一付
於詩久之而與詩兩相忘可謂語妙簡齋又言金陵
有兩詩人一爲陳古漁一爲南園其詩才力遜陳而
吐屬清婉頗見性情

除夕

閉戶徒深卒歲情竹窗風過響淒清身非無用貧偏暇事
到難圖念轉平瓶裏梅花春早動樽前燈火夜深明承歡
最好團圓處同聽庭闈笑語聲

燕子磯

危磯屹立與波爭何處飛來以燕名萬古羽毛蒼蘚潤一
生飲啄大江清登臨自有凌霄意覽眺甯無弔古情閒羨
水邊坐漁父垂竿風裊釣絲輕

喬大鴻字儀上號容浦寶應人貢生有槐陰樓集

滁陽道中

醉翁亭下路盡日少人行山色一城碧夕陽千嶺明斷雲
含雨氣疎樹動秋聲我亦希前哲新詩馬上成

舟次淮陰感舊

荒城木落雁聲遲傍水人家短竹籬渡古尙餘垂釣客時
平無復佩刀兒長隄曉露新栽柳野店斜陽舊酒旗回首
故交凋謝盡一聲橫笛使人悲

吳興炎字龍漠號陶夫江南清河人諸生有燕石齋詩
草

臨沂道上

潦倒十年事風塵一劍孤敗墳盤怒隼荒堡叫飢颺寒雨
連宵滯秋花滿道蕪飛揚無限意半辱在泥塗

劉兆彭字述民號野塘寶應人諸生有拳石山房集

詩話述民與同縣喬守之秉之儀上湯鍾律荆垣
劉又徐稱敦業園七子合刻其詩王西莊爲之序

客中書懷

客子畏逢秋蕭條動遠愁生涯餘短褐心事老孤舟對鏡
羞窺鬢臨風怯倚樓無人共歌哭腸斷此淹留

周遜字惟敏丹陽人有敬修贖棗

題照

春秋愛佳日樹石自閒敞一與名士遇隨地得清賞君家
有積德澤比良相廣仁心毓賢雋食報理非枉君於昆季
中才志尤倣儻文思雲氣上胸次月華朗寄懷作此圖標
格羨英爽右軍禊山陰高致略可仿大江南與北一水隔
遐想欲采芙蓉遺臨風獨神往

胡玉昆字元潤江甯人有栗園集

詩話元潤畫稱逸品好作縹緲虛無之態不涉恆蹊
詩亦不俗如林外草香初見鹿欄邊雲至幾疑僧情
景俱勝

游靈谷寺

游人稅駕始容登五里森森千萬層林外草香初見鹿
邊雲至幾疑僧誰來共話齊梁事極望當年風雨陵無數
松濤爭作響護持真藉梵王鐙

祖堂

一領袈裟挂屋西相傳一祖鑿幽棲山留雨露滋薇蕨寺
儼羲皇絕鼓鼙石磴苔深隨磗轉竹樓門敞與雲齊尋僧
欲問禪家事夜半聞鐘月在溪

諸廷槐字殿掄號佃楞嘉定人諸生有嘯雪齋集

詩話佃楞詩列江左十子中爲王西莊所激賞詠明
如云不到陰山冰雪地那知永巷是君恩用意深厚
得王叔華都中書卻寄

高閣倚徘徊相思桂樹開人從吳下別書自日邊來異地
誰知己清時獨愛才憐君明月夜寂寞上金臺

吳山懷古

金殿淒涼化劫灰夢梁往事重徘徊一聲白雁臨江下五
月黃衣入塞來崖嶺雲深龍馭杳蘭亭月落翠旗回行人

莫問冬青樹忍聽年年杜宇哀

詠螢

水殿風清玉漏遲微明點點度
不憚返魂有恨青蕪老卻
扇無聲碧露滋銅雀夜深流
獨影長門鏡暗照相思娟娟
憐爾紛飛候多半雲昏月墮時

徐兆魁字書城號淡崖上海人諸生有過喜堂詩集

過潘忠定公廢園同吳竹嶼張少華趙璞函作

空林微雨落花紅昔日繁華似夢中
依舊玲瓏一片石更無人倚笑春風

甲第今來車馬稀斷橋流水淡斜暉
可憐芳草萋萋綠玉照堂前鴉亂飛

華首臺

佛桑紅白繞高臺拂袖孤青峯下來十里長松團紫蓋一
羣馴鹿踏蒼苔月明碧澗空塵界花雨瑤階憶慧才華首
何年依雅集滿山惟見白雲堆

沈端明字朗園陽湖人諸生有朗園小草

過南浦書院謁盛春谷師

隱隱翠微巔煙霞護講筵泉通茶竈下雲起竹窗前不信
塵中客居然世外仙明朝別南浦清夢夜長懸

重晤朱碧梧話舊因懷張嘉會

離居忽半載今喜復相親共聽窗前雨因懷鬪酒人飄零
三晉遠落拓一身貧聚首知何日空傷游子神

湯修業字賓鷺號狷庵陽湖人有賴古齋集

得錢魯思書

客中穿望眼忽得故人書念子三秋病嗟子兩鬢疏此生
同獲落何計共樵漁儻遂鶴鵝願羈愁亦暫舒

朱箕字二亭號市人江都人諸生有二亭詩鈔

吳南野曰二亭貧不累心貞不戾俗刻苦爲詩目空前輩工夫在一字兩字之間他人莫及也符南樵曰二亭詩以蘊藉勝得中晚唐人風味亦有似陸劍南者五言如登臨羞短髮風雨滿高臺苦吟如入定謀食類還丹青山游屐在白髮酒人疎七言如四海有知非石隱三年不語是佳人西州涕淚羊曇醉北郭郊園沈約歸屬對精工

聽項炯菴吹笛

溼雲夕斂輕陰薄雨洗花光漾寥廓十斛春愁黯不開來
過羅郎澆酒閣炯菴項君秦淮客卧向胡牀弄長笛絕塞
風高斷雁悲寒江秋老嘯猿澁餘聲裊裊逐游絲落日花
前天宇闕憶子客夢少年塲桃葉桃根幾斷腸君歸試問

清溪水應記風流桓野王

木末樓

絕磴盤空上來登木末樓潮聲分旦暮山色變春秋樹古藏猿狖江清散鷺鷗午鐘送僧梵雲水思悠悠

吳暮橋招游湖上喜晤陳柏堂兼懷吳穀人編修日下

佳客羸驂此暫停喜從鷗鷺戲沙汀飛騰壯志憑詩卷辛苦衰年倩酒瓶百頃煙光新漲碧一岡松葉遠山青相思季重情多少隔舫笙歌倚醉聽

冒春榮字寒山號甚原如皋人有甚原集縈翠閣詩鈔

詩話甚原與鮑海門李嘯村稱詩邦上雅潔明秀是姚武功嚴滄浪一輩人

吳山寓樓遲吳漁門不至

只有吳公子頻來慰客愁空山悲落日積雨臥清秋貧賤
餘青眼艱難到白頭孤懷無可寄爲爾一憑樓

送客之淮陰兼訊長沙朱蘭田客況

秋老淮陰去悲哉行路心寒沙楓葉早孤艇荻花深有客
羈蕭寺煩君問好音不歸復何事徒使夢中尋

郭元灝字清源吳江人有深柳讀書堂詩藁

詩話清源爲頻伽尊人砥學
彌行芸臺惜抱皆亟稱之

石牀

雨細飄新簾雲深護石牀半亭吹落葉一枕納微涼林鳥
依依倦巖花寂寂香支公遺塵在明月下方塘

石渠字芸亭如皋人諸生有雲停山館詩鈔

半山亭同陳益如顧嶠山作

孤峯天際插一徑路迴環目已窮千里身纔到半山松風
時謾謾鶴夢自閒閒欲盡登臨興藤蘿手自攀

三月十五夜同蛾窗芝珊家沖飛賦

紅稀綠暗漫魂銷且把深杯作意澆半壁斜陽猶昨日一
春圓月剩今宵誰家陌上青驄馬是處樓頭碧玉簫如此
風光須盡興高歌莫負夜迢迢

歲暮書懷

短景荒荒逼暮寒北風吹入布衣單無多兒女深情繫有
幾親朋熱眼看身賤徒然傷老大家貧倍覺怯年殘飢來
一食尋常事慚愧陶潛欲乞難

湯擴祖字德宣號勉堂巢縣人有勉堂前後集

過訪隨園主人不值

花含宿雨柳含煙
隱士園林別有天
高卧白雲人不見
一家雞犬翠微巔

王廷享字千庭婺源人有約齋詩集

顧亭林訪陳願侍郎野王遺跡

元初寶雲寺碑記略云顧亭林湖在華亭

東南三十五里湖南有顧亭林公嘗居此因以爲名寺始於唐石晉時移建寺南高基一僧夢公衣金紫稱梁侍郎告以斷碑處明果覓得斷碑僅存寺南高基顧野王曾於此修輿地志十四字因建祠寺之東偏公爲陳侍郎夢稱梁明其不忘故主云寺歷朝興廢不一祠甚卑陋非復舊規寺東塚土人指爲公墓荒沒難辨惟見古碑數行耳

海隅風物紀來真
策策探幽不厭頻
浮世難逢千歲鶴
斷碑如對六朝人
滄桑幾度名猶在
金紫何緣夢再親
寂寞亭林湖畔塚
只餘荒寺伴青燐

禪關寂寞幾更遷
塵覬蕭然古佛邊
一旅勤王懸日月

景侯

之亂公倡義討賊千秋護法黯風煙清光渺渺平湖遠靈跡悠悠
片石傳爲問九原逢故主捨身曾否到諸天

方竹字白山續溪人貢生有抱山集

畫華山墜驢圖題跋

華山道上驢一蹶天津橋畔鵲饒舌炎宋官家三百年城
復隍兮只中葉紛紜五季弄兵刀黑龍檢點加黃袍燕夏
二陰蚤根極從茲滑亂持何牢華山面識太平主南北何
曾一土宇虞天誕降香孩兒差強斧屐鼠變虎值得先生
笑口開一笑還嘲一跌來明日歸山戲作此且學大睡希
夷子

黃家鳳字九簫休甯人有澹園集

舟望

半山雨氣半山晴江上人家樹作城插徧早秧收盡麥枝頭猶自喚催耕

張炯字季和號星齋宣城人有黃山紀游詩

途中雜詠

隔生仙骨本難如幻蹟流傳屬子虛一自琴高乘赤鯉何人解釣藥渣魚

蔣謙字繡躬鉛山人有樵雲詩草

寄懷心餘姪

大雅沈淪後名流泛濫時長才人莫及細意我能知囊括元精祕雕鏤物象奇百年文教洽鼓吹繼風詩

生逢明盛日立志肯蹉跎似汝匡時好如余奈老何雲霄終竟隔歲月等閒過看取茅連茹甯當遂薜蘿

小徑

小徑傍牆陰
欲行還躑躅
因憐落瓣紅
轉惜新苔綠
李夢松字梅偕號歎夫臨川人諸生有歎夫詩稟

肇慶舟中

朱曦得殘暑
金風吹覺善
牽事心不甯
身倏爲之轉
蕩舟過曲塢
湖自爲深淺
息慮斂煩襟
孤鴻入繡幟

偶意

北斗不可挹
南箕不可揚
古人已有言
何能爲感傷
人皆飯王孫
漂母反不貴
立身在貧賤
敢不爲之地
咄咄東郭人
此態堪一喟

游鼎湖

寺鐘敲木末
幽草布香輭
泉聲出小谷
樵路行初穩
白雲

雜還起虛裊作龍蜿穆然欽古帝吾心得曠遠

劉琬字澹園諸城人有挹秀山房詩集

詩話澹園爲石菴相國從弟唱和最多詠物諸作寄託深遠石菴題其集云神虛婉約除煩去濫爲最上乘如欲雅而復豔則所謂法不孤立仗境方生自有時節因緣耳其語深得詩中三昧

羅漢過海圖次韻

海於天地爲巨物橫目見此驚無邊或云眾水所蓄積坐令陸地爲深淵我聞尊者此示象一航穩似香臺蓮颶風不作鯨鱣靜知有神物爲之先舟行不徐亦不疾到彼海外當何年大鵬不徒爰居避海若自小河伯旋惟有日月爭出沒騰暉照耀波光鮮送者幾輩自厓返回顧但見帆微翩此時祕怪千萬萬爭欲頂禮焚香煙仁者願大無分別孰爲靈蠢孰凡仙當時各各契微妙同視海水川渠然

了知此說是眞實揮毫更以丹青傳紛紛大小都滯相拘
墟鄒衍方談天

滄州鐵獅子歌用韻

尋常刻石非不偉門外屹立如鬱壘年深不免有缺壞一
笑摩挲憑劄子似此頑鐵多歲年惟以無用終其天彫刻
雲根縱云巧牙爪摧殘絕可憐理本如斯漫惆悵一事一
物有衰旺君不見伶官贊襄說莊宗晚節何衰始何壯憶
昔歇馬乘午涼知有鐵鑄百獸王古堞頽垣半禾黍平沙
細草眠牛羊有物不動如被擄又似天生在茲土較量其
壽定千年親見此城盈萬戶休嫌黯淡無輝光若爲干鏃
眞不祥至剛必折本至理豐城豈得終埋藏受成不變豈
非數坐閱滄桑等朝暮時有過客攬形狀詎逞雄威嚇狐

兔昔常詢諸博物家此獸產處逾流沙吼聲一發震山谷
徧體火生如紫霞畫成見者皆驚歎雖未卽眞思過半以
鐵爲之世更希鑄處光應上霄漢遂令頑質發光彩亦以
難毀享遐算問渠歲久何所爲春長薜花寒雪片

卧鐘

已是無僧顧還應比石堅蒼苔古紐上春草寺樓邊虛壑
留遺響空山想昔懸宏聲本無盡強起待他年

廢藥

委地憐長棄焚膏念舊勤光無今昔異人自短長分藜火
非凡照珠光更絕熏分輝知不得聊此繼斜曛

厯下亭和韻

亭中渾勝坐孤蓬落日雲山一望中邂逅朋儔盡名士連

延秋色足花叢近人鷗鳥原無滓帶雨山雲久漸空雙屐
幾番湖畔路那能鴻爪問西東

牟弢字延陵棲霞人諸生有蟬吟集

過田家

十里重重山對開一逢佳景一徘徊村於叢柳疏邊出人
自高粱綠裏來當路橫垂林有果傍籬穩卧犬無猜倩誰
爲繪田家景添箇征鞍曲水隈

海上分韻得天字

晨昏誰職汐潮權氣象當年有萬千始信東南眞缺地驟
驚風雨不因天蜃樓市結蓬瀛外番島人來日月邊我欲
乘槎登彼岸測量橫占幾星躔

王克紹字薪亭號閒雲膠州人諸生有閒雲詩草

登滕王閣和子喬

扶病上高閣子安安在哉文成亦有命老去莫論才山色
周遭在江流日夜來感君盛意氣憑弔不勝哀

于學謚字小晉莒州人有焚餘詩草

惜餘春

當時只是望春回不道春來愁共來於今最惜殘春去無
奈春去愁偏住我愁不是爲春愁愁在闔闔十二樓帝闈
渺渺憑誰叩弱水茫茫絕行舟卻從麻姑向東海卧看滄
桑幾千載桑田變盡海中波一段心情鎮常在我有琢玉
連環紐願繫君恩得長久我有百鍊雙吳鉤與君試斬蛟
與蚪天高日遠難爲遇以暗投人不知處玉京回首空自
雲瑤臺別路隔紅塵花前可惜對餘春清歌未了涕霑巾

張鑄字仲陶嵩縣人

和王南溟見寄原韻

不是終南路何妨一閉關坐看雲出沒卧聽水潺湲花落
魚吞去煙飛鳥帶還瀟瀟風雨夜隨處長苔斑

谷行

行行危谷裏夾岸草萋萋樹束青天窄山圍白日低游人
衝暑去疲馬向塵嘶前路知何處孤村暮色西

鄧克劭字如許靈邱人諸生有自適集

游懸空寺

石屏千仞立古寺半空懸淨土絕塵境岑樓綴遠天一巒
巖畔月半壁畫中禪俯視行人小飄然意欲仙

趙鶴字鳴皋號白山榆次人諸生

張貞女

婁縣人字姑子藍生將婚
生死於溺女歸姑家守志

早寡已足悲況當將嫁時艱難思魯女風雨黯湘纍一痛
成今古終身斷涕洟妾心如古井地下不須知

詠古呈秦清定先生

奉母徐元直全身管幼安老瞞欺不得落落兩儒冠

馬體孝字翁恆山西鳳臺人諸生

懷中詩

賦性由來似野牛偶攜竹杖過江頭飯囊帶露裝殘月歌
板臨風唱晚秋雨足踏開塵世路一生歷盡古今愁從茲
不復依門戶荒犬何勞吠不休

劉王一名廷揚字源深三原人監生有戒亭詩集

東鎮夜發

蕭條東鎮夜行客意悽悽月影隨疲馬風聲雜曉雞白雲
家遠近黃葉路高低不見宏農守青囊我倦攜

劉時英字軼倫富平人有其恕堂稟

詩話軼倫能詩爲諸侯賓客治官書暇不廢吟詠詩
紀烏魯木齊事謂布爾喀布拉克台西有地周百餘
里土皆飛灰置物其中立燧謂之火陷精河屯西北
有地周千里土似燧鹵人馬誤入沈陷沒頂謂之灰
陷蓋其時西域初定傳聞異
辭不妨擄播以供談助也

秋夜

不復聞刁斗長吟酒一卮寒蟬鳴古樹驚鳥落高枝有恨
人衰矣無才歌已而行藏那可問辜負菊花期

李尙德字南若號梓軒狄道人諸生有梓軒詩草

月夜作

靜夜待明月月高人始眠覺來明月色猶在草堂前起坐

弄清影孤懷方悄然松風吹萬籟餘響入山泉

任節婦詩

好水溝前月夜寒柳林深處雪漫漫閨中自有眞嬰曰莫作尋常寡鵠看

潘性敏字鈍菴號清溪狄道人諸生有清溪詩草

登山

乘興登山去芳林漸欲曛鳥歸千嶂樹人下半溪雲曲徑幽難覓遙村近始分行將居此地麋鹿共爲羣

吳錠字握之狄道人有耳山堂詩草

山居寄張星乙

一畝園中半畝花蕭然物外足生涯吟成白雪難爲曲游徧青山懶到家傍舍寒松曾駐鶴當門疏柳亦藏鴉故人

若肯重相訪。缸面新篘酒易賒。

九月初雪

漸覺重陽近。東籬菊綻。初秋風吹落葉。大雪到寒廬。宋玉悲遙夜。袁安悵索居。乾坤銀一片。圖畫恐難如。

宿康子中山亭

君住西山更在西。子孫相繼老鋤犁。雲間貰酒方尋阮。柳下安爐獨憶嵇。一枕落花春夢蝶。半窗殘月曉聽雞。何當偕隱幽巖上。徧躡真人萬丈梯。

金孝懋字勉軒仁和人

春霧

未成涓滴望依微。正值春光嫩綠齊。小院暗疑梅雨密。平蕪誰辨柳煙低。不愁步履蒼苔滑。只恐看花老眼迷。天上

曉寒樓閣迴衍波牋好試新題

金孝純字粹齋仁和人

未起

未起心猶寂初迴夢已空曙光燈影外春意鳥聲中菊枕
頻敲雨蘆簾不受風自慙小室賦無復蔡凝工

新涼露坐

小小盆池皺綠漪嫩涼庭院晚風宜人來茉莉香生處秋
在闌干雨過時便作東坡瓜子會更催杜老藕絲詞何當
自入名山去竹几蒲團靜與期

孫魯原名煒字浩如號嘯甫嘉善人貢生有遜吉齋詩
草

詩話嘯甫工詩古文辭紀文達王文端先後視學閩
中辟佐校闕以國士遇之嗣由贛而滇而粵迭主書

院講席造士稱盛與王述庵交
尤探詩亦和平溫雅如其爲人

曉發龍江寨和王惺園學使

已逐風塵跡敢嗟行路難
五更山月小六月海風寒
戍鼓沈松徑村雞唳竹闌
兵戈消斷久無復惜荒殘

立春日浦城道中

甌越溪山儘足誇
勞人重復度仙霞
偶因身到聊題句
卻爲春來便憶家
野水何心常繞郭
疏梅無主自開花
經過南浦橋邊路
碧草芊芊茁嫩芽

何文煥字少眉號也夫嘉善人諸生有無補集

詩話也夫嘗輯歷代詩話精校彙刊後附考索一卷
持論亦極精確中有一則云我輩不可作俚杜文章
蓋謂俚鄙杜撰也嚴滄浪云押韻不必有出處用事
不必有來歷殆未免是耶可知其致力之深惟足跡
不出里閭人無知者獨此書尙有流傳耳其鄉人有錄其詩者擇雅登之

秋山行旅

西風下木葉蕭蕭湘水波空山黯秋色肅肅鴻雁過渺邈
思帝子羈人發長歌徬徨駭巖壑煙光暈薜蘿

大石屋

結構高巖上凌虛別有天慢將山作屋還就石爲山樹色
森遐坂風聲咽細泉下方人不見占斷白雲邊

再集永宇溪莊

重游愜幽賞首夏綠陰新日月不可駐風光殊悅人絲桐
發逸響興洽對金樽窗靜眾香吐樹深百鳥喧流雲多故
態閒曠夙所珍逍遙望千古一笑付清言

秋日有懷王修竹志熙

名士今誰數風流王子猷一時文水別八月武林游虛館

綠陰晚高原紅樹秋何能忽相見雲遠思悠悠

鴛鴦湖雜詠

村深午後不聞雞時有幽禽隔樹嗁問著春光何處好
脂橋在望吳西

船似飛鳧掠斷磯屋如蝸殼掩寒扉九舫潭下秋波闊七
里橋邊春水肥

陳萊孝字微貞號誰園海甯人有誰園詩集

詩話微貞詩數初白心摹手追篇章甚富
其集未刻行稟本至今尙在海王村市也

過半江叔惜陰書屋

仙客題詩處秋來幾度經海茶紅爛漫山鳥翠娉婷市遠
煙蘿淨人閒筆墨靈客嘲吾不解安穩卧元亨

吾愛吾宗老風流孰與同政多循吏績交有古人風門對

湖山好家傳唱和工問奇來往熟渾忘寂寥中

曹煒南字承哉號嶠樵嘉善人諸生有曹嶠樵橐

初春暝起得句

日到蓬門睡起遲偶然得句便成詩客來欲問春深淺試
看梅開第幾枝

蔣元字大始號澹村平湖人諸生有叢桂堂集

讀袁機仲通鑑紀事本末

武皇英略重開邊通道西南邛冉滇一自夜郎臣服後棘

童稚馬自年年

漢通西
南夷

務勤遠略廣威恩旄節兵戈出玉門但使蒲桃天馬至不

妨公主嫁烏孫

漢通
西域

張誥字士周號耜洲平湖人諸生有耜洲詩鈔

書憤

屏跡空餘世外身十年懷抱悵難申固知張詠常違俗誰
信曾參不殺人蟲臂鼠肝無作有白衣蒼狗幻疑眞傷心
只爲同心死說與旁人恐見嗔

立秋日山莊卽事

昨宵一葉下庭梧爲報山莊烈暑徂投老縱驚時易換迎
涼如遇病初蘇遠林殘照疎蟬響小院新晴獨鳥呼問我
沈吟亦何事臨溪卻笑柳州愚

何琪字東甫號春渚錢塘人有小山居詩藁

詩話春渚博學能文章書似華亭尤工八分兀傲不
諧於俗所居枯樹灣灣南多漁人居自號南灣漁叟
得馬洲蘭硯自號湘硯生晚慕石守道唐子方之爲
人又自號二介居士阮文達欲以孝廉方正薦賦詩
辭謝文達答詩有清名已被
左雄知之句春渚蓋狷者也

汪員外魚亭招同杭太史葦浦陳丈江皋陸二篠飲
集振綺堂卽送江皋之餘杭

舊雨分攜思不禁尊前錄別共題襟舟穿北郭拏音緩山
入南湖黛色深小醉定尋仙姥酒歸裝應載伯牙琴洞霄
覽勝虛前約劇欲相從快一臨

丁丈龍泓嘗約游洞霄宮不果

吳琦字赤玉仁和人諸生有圭齋橐

從七佛寺上雲棲山

言尋七佛寺晚向雲中攀秋雨颯然至人行寒翠間疏鐘
來樹杪遠火逗松關直造蓮池座潮音徹萬山

盛復初字子亨號春谷秀水人有且種樹齋詩鈔

詩話春谷於乾隆壬寅主講涇縣雲龍書院次年袁簡齋游涇與春谷在琴高臺畔分韻賦詩春谷詩先成簡齋爲之閣筆

且種樹齋對客

客云種樹人乘涼吾言有地且種樹但得綠陰成幄能庇人此身安論去與住君不見昔時王子猷借居種樹盈庭幽主人何人屋何處子猷佳話今還留

費辰字斗占錢塘人有榆村詩集

卽事

曉山煙溼翠冥濛寂寂春回細雨中
新柳未勻濃淡綠小桃初綻淺深紅
燕歸簾幙池塘冷
人靜秋千院落空白
裊衣輕寒料峭今朝花信幾番風

楊奏瑟字肇羲江山人貢生有響泉詩鈔

山行

登山蹴雲飛便欲乘雲去
白雲不相待先出巖巔樹
雲行

但向風我行猶窘步獨立倚半山緩緩江村暮

登玉山縣城樓

地扼東南隘無關亦號關樓當三面水城割半邊山天馬
澄江外虹橋落照間騾車紛絡繹早晚不曾閒

官溪春興

楊柳東西岸桃花裏外村板橋春雨滑林屋午雞喧地僻
無車馬風澗長子孫勝游吾已徧此是武陵源

李寅熙字賓日號秋門嘉興人諸生有蠹餘勞歌呻吟
等集

天津關曉發

侵曉眠難穩頻呼倦僕膺嚴程憑馬力殘月見衣稜關近
更催鼓橋浮板滑冰道旁賣漿者燈火已宵興

春日憶故園游好

輾轉輪蹄久倦游
噉名無益合歸休
勞生行役魚頰尾
小技文章豕白頭
南郭有竿仍寄食
北平無命到封侯
煙波一勺駕湖水
有約終當買釣舟

沈家珍字寶傳號樸園桐鄉人諸生有竹素居詩存

昭明太子讀書館

讀書館築近郊
坰與廢由來歲
幾經草長春深
仍吐碧墩留代
遠尙名青尙書
墓古人誰掃蘭
若鐘鳴客自聽
珍重前星遺像在
崇祠累葉薦芳馨

邵塾字安侯鄞縣人諸生有冷塘詩鈔

夔門晚泊

魚浦雄關勢遠吞
左連巴夔石湘沅
波濤不洩窺吳恨
雲

雨誰伸夢楚寃陣列龍蛇圖上見石成象馬峽前蹲欲尋
老杜題詩處日落煙寒野色昏

游翠屏山志感

天匠鑄山骨如龍蜿蜒附羣峯觸類長屈指難悉數四圍
作屏翰一綫斜通路躡磴上煙叢林莽曲廻互聖泉沁心
脾嵐翠黏衣屨名區得名人巖石乃成趣溯昔有宋時先
世曾此住窩仍安樂名疑有鬼神護渺矣人風遙忽焉佛
日度貝梵及鐘魚歷朝朝暮暮甘棠翦且伐誰爲美嘉樹
祠宇家無譁誰爲奉香炷生前磊落者定無毫髮忤釋耶
與老耶初不礙儒素不同歸幻塵孰似此僑寓當共青山
色今古長如故

顧州司馬招游蟠龍洞

眾峯環一峯地軸高屹嶮古洞豁雲根深邃凹無凸洞門

蔭老松惜哉一已缺拈花微笑人妙相左右列正中鍾乳

懸有若廣長舌

中垂石柱上豐下銳

神仙龕尙存於茲傳丹訣

蜀將

張卞從先主征吳兵敗於此得道仙去

少進徑盤紆前途黑於鐵曠如復輿

如何年鬼工設我相與人相渾不辨一切投炬照光明多

取防撲滅著腳滑滑泥不行不輟石骨冰

去聲

人寒頓消

五情熱終古闕日光兩柱相蟠結眾瀨束盈坎神灑噴如

雪凇作萬丈湫蛟龍以爲穴禱雨雨卽施吾聞諸鄉蓋邏

迤出幽厓碑苔頻剔挾司馬詩法嚴賦景歎超絕一一鶴

聲飛句好我未竊

有以余曾竊魯明府慶所刻游洞詩爲己作者故戲及之

左逢聖字孔時號仁鄉湘陰人諸生

詩話仁鄉大父病痲數年與其父共侍左右嘗晨起持襪衣浣於江涕泗交流見者歎爲誠孝歲饑爲粥

食餓者雪夜聞老人夫婦對泣問知其寒歸與婦蔣
謀撤牀被與之授徒獨介不欺沅湘耆舊集錄其詩
二篇乃勸其弟子歸農者鄧湘皋謂
可概其生平季高相國其曾孫也

舉舉誰氏兒

舉舉誰氏兒行年十四齡父祖耕田夫奇兒期有成謂兒
似不凡令兒來受經入門叩所業歷歷如可聽書詩春秋
禮上口略不停狀貌亦修飭乍見喜還驚徐徐授之業乃
大不中程外惠中則乾天荒塊頑冥自兒登我堂倏忽裘
葛更家貧禮數勤餽問必潔精袖中吉貝布織白六丈羸
云出慈母手束脩聊自行再拜謝主人此情非所甯貧家
六丈布績織冬春并晨霜紡磚白宵雪篝鐙青兒學不寸
進孤汝賢母情吾何德之堪言之面顏頰人生於天地小
大各有營士農工與商執一可以生兒生家世農曷不返

歸耕居處樸以敦孝友父與兄何必讀書詩然後成名聲
汝師家雖貧短褐猶蔽形還兒雙匹布哽咽還涕零

賀國華字用賓善化人

詩話用賓爲耦耕中丞大父孤露清
貧傭書自食詩風格清老不假修飾

秋夜

夜永貪孤坐新涼一味澂水明先見月人靜漸親鐙葉落
山窺戶花疏石露稜壯懷霜共冷不復夢飛騰

春暮郊游

寂寂春光晝掩扉不知春事正芳菲雙柑斗酒偶然出柳
絮梨花無數飛清隴風柔鳩語靜野塘雨足鰕魚肥夕陽
一路經行處陌上人歌緩緩歸

蔡忠烈公墓

握拳嚼齒憤難堪殺賊猶思一戰酣聞說張良如好女可知南八是奇男魂飛閩嶠親難顧命共潭城死固甘來往埋靈坡下路極天松柏翠鬢鬢

江行

碎煙零雨日霏霏兩岸江流擁翠微高挂一帆風力飽扁舟如挾眾山飛

陶必銓字士升號萸江湖南安化人諸生有萸江詩存

詩話英江贈躋名場以經學授生徒刻苦自勵以子文毅公貴拜封贈祀鄉賢嘗用彤家言集資建塔縣城南塔成安化科名果勝於往日亦足見其慷慨能任事也

沉江舟中

小艇乘流駛桃花水上行湖連雙岸闊天遠一峯晴歲月風塵老江潭性命輕空嗟髀肉滿況近蜀王城

何煥字星田湖南甯鄉人諸生有岱下吟

晚步

秋漲雲俱闊村敲樹半遮落帆迴暮雁歸犢載寒鴉坐石
樵歌近尋僧竹徑斜行吟過小巷澹月到山家

張世濬字明遠一字哲甫湘潭人有觀瀾堂集

懷嶽麓

憶昔攜開士閒游徧履蹤酌泉尋白鶴呪石倚青松遠梵
雲中聽荒碑月下逢北山空負卻仍是舊周顒

發衡山縣

嶽雨千峯暗江天一棹開鯉魚風欲老鴻雁影初迴幾挾
游山興仍虛作賦才行蹤定何日重躡白雲隈

王壽椿字莪坪成都人貢生有蛙鳴集

古意

郎如江上船乘流不同顧妾心江上水婉轉隨船去

入棧

遠望白雲生行到雲中立舉頭不見雲但覺客衣溼

山行

驛路繞迴峯凭高四望通人家秋色裏牧笛暮煙中野水
奔田急山花點徑紅正尋投宿處山市小橋東

何人鶴字鳴九縣州人諸生有臺山詩草

詩話鳴九少以報父仇擊殺佃人袁某自詣獄遇赦免浪游南北所至與諸知名士酬唱詩多斐然可誦
與劉芳皋昆仲出齊化門放舟二闌

積悶久不舒今乃得縱遣蒹葭引之去水與秋空淺極意
恣幽探心開目愈展樹老一蟬鳴舟輕平浪輒鷗鷺淡忘

機飛飛時復轉逸興豁天懷吟情推妙選我本戀漁樵君
亦忘軒冕九衢車馬客得此亦云鮮拾句付奚囊歸途冷
然善

龍州山家

聽說山中景人間別有天熊眠深箐雪虎嘯暮崖煙關閉
鐵龍堡蠻分白草川地磽征賦少政麥代輸錢

題孫卣堂先生

文煥

海樓書屋

兩鬢絲添發浩歎流光如駛赴征鞍人間不盡高低路天
意先分大小寒獵罷秋原三窟穩月沈霜樹一枝安支頭
便入華胥國不戀邯鄲夢境歡

晚晴移詩匯卷九十九終

晚晴移詩匯卷一百目錄

韓封 十二首

顏檢 七首

劉清 四首

楊廷理 四首

汪中 十首

楊芳燦 十七首

趙廷樞 一首

曾鏞 一首

袁文揆 四首

張太復 二首

侯坤 二首

王宗獻 二首

劉廷鏞 一首

吳樛 一首

宋大樽 六首

黃定文 七首

徐彬 一首

張吉安 二首

王焯 一首

李華春 四首

張誠 五首

吳棫 四首

汪彝銘 二首

韋佩金 七首

楊元愷 二首

王元勳 八首

章學誠 八首

晚晴移詩匯卷一百

徐世昌

韓對字桂齡元和人乾隆丁酉拔貢官至刑部尚書罷

賜三品頂帶署刑部侍郎有還讀齋詩藁

詩話桂齡敏慤中外五十年政事餘暇未嘗一日廢書故以還讀名其齋其詩高朗和平沈厚排側讀之使人增忠孝豈弟之心

贛州夜泊次香杜韻

到此雙流合遙看百雉開人家寒食節風雨鬱孤臺山色
周遭在濤聲日夜催繫舟吟望處遲爾謫仙才

爬沙行

自保昌達始興沙漲舟膠役民夫推挽而行之爲作謂之爬沙夫中有稚女問其年纔十一余憫

是詩

保昌城外爬沙夫有吏夜半來追呼短衣赤腳水面走被

驅不異鳴與豬沙深一丈水一寸爬沙要使船頭進沙堅
陷船船頑鈍篙師柁師無權柄麾夫前進各奮發排鼻經
時始兀兀前者攫拿引臂猿後者戴負縮頭鼈二十人中
老羸半就中有女年十一兒嬉跳躑逐隊來耳墜銅環額
覆髮細聲蚯蚓強呀咻瘦脚螳螂欲蹉跌是時月落天昏
黑沙岸槎枒生怪石失手戛撞吁莫測女兮女兮爾獨非
人子我心怵怵爾休矣孃媿爺耕爾代勞爾縱努力力有
幾給以青錢飼以餌亟歸博爾爺孃喜猶勝呱呱饑欲死
香閨婉婉知幾何深藏未許風吹過人生由命匪由他

射圃草亭初成與同人較藝

冷官無事闕矍圃新亭峩峩立舊礎編茅作蓋土作階縛
竹爲欄紙爲戶一日畚插二日成忽遣荆榛化堂宇坐依

碧篠落襟袖卧看青山到帶塵不知主人義何取公然欲
爲亭作主疏狂幸許託聖明奔走已復息旁午門前榻來
舉舉士牆角佇聽淵淵鼓申令頗亦峻賞罰進耦儼欲勒
部伍金爪聲徹餓鳴鳴白翎影作飛鳧舞卻愁手硬繞叢
棘更苦力薄怕強弩長短廣狹上下旁畢竟將心安何所
乍喜駢弓漸調習無那皮鵠偏抗拒裂帛一聲忽破的旁
人大笑觀若堵賴有先生能解嘲李淑仲底事將軍不好武
晁任齋邇來半月頗滑溜百發居然得十五翳我無心無不
可中固不惡否亦許平生百好百無成學書學劍終何補
況于此藝小嘗試無乃班門強弄斧引睡免辱文書翻破
悶猶賢博奕賭世無甘蠅與飛衛亭中之人勇可賈

海珠寺

五仙門外海連天色爛牟尼石一拳萬里風煙藏佛骨六
時梵唄到樓船半空尙挾魚龍氣照夜常疑日月懸食采
元臣肅遺像

寺樓祀宋李文簡像

禹山俎豆自年年

將度梅關阻雨

五更急雨逐風顛弭棹滇江滯去鞭野徑溼雲沈岸草荒
汀宿火漏魚船乍醒瘴海三年夢未了天南一日緣篷底
不妨成獨卧起看雌霓貫城邊

守惠濟牖遇宋西樵明府運銅北上共飲至醉作歌

貽之

宋名簡己酉進士揀發滇南任麗江令

黃河西來直如箭牖高三板苦白戰孤篷兀守睡惛騰洗
眼忽覩故人面間關萬里來滇南飄泊一官同客燕倔強
不善事上官轉運京銅八十萬昆吾之質精且良硯礪歷

落裝滿艙遠從巴峽穿瞿塘石齒衙衙森劍鉞忽然撞擊
首尾張委棄豈汝能周防繩縋萬夫沈水取入飽蛟龍出
豺虎江聲嗚咽江水赤千百曾無返十五來時孟秋今孟
夏十月征程半天下驚魂羈魄天公憐從今王道真不平
憶昔長安同躍馬交情脫略世應寡豈料年來迹轉迷那
知今日杯重把男兒自是可憐蟲吾輩原非食肉者波平
月上清風來安得河水變玉醅與君長夜傾千杯所惜明
朝牖板開眼前呼舞俱塵埃

遊寄暢園

卽惠山
秦氏園

九龍山下白雲居策杖招尋此地初喬木百年生晝暝殘
花一塢殿春餘竹間樓並巖巒起水底天開洞戶虛幾度
宸游輝墨寶至今父老待鑾輿

南天門

一徑緣秋毫連山入太古孤雲蔽松蘿長風嘯豺虎鞭鐙
慘不驕瑟縮戰兩股爭此一握天豁然開洞戶闢愁大荒
落低見眾星舞迴視未登客萬蟻穿綫縷始知所歷高上
界足官府書生老蓬華壯觀從今數狂吟勅勒篇浩氣莽
天宇

富春舟中

一櫂富春渚空江木葉稀飢鳥入雲叫野鴨傍人飛水落
岸容靜帆低風力微舵樓晚飯好頓頓白魚肥

嶺梅每歲十月先開今立春後過嶺而花極繁盛山
僧云去冬風雪嚴寒花遲兩月前此未有也

多謝千株嶺上梅故人不到不先開耐寒氣得中原正破

夢春隨使節回山寺雲深封薜荔巖扉徑滑瘞莓苔只愁
別後遙相憶未必花時我便來

發南安

入秋何亢陽一月無滴雨老農泣枯苗行客口生土弭權
迫嚴程解維下橫浦火雲屯高崖沙岸斷枉渚數里間一
灘清淺不容武誰家橫築壩規畫肆奪取車戽虹飲川輪
激日投杵所餘涓滴流碎石又齟齬作梗勢方張聞聲氣
先沮挽牽困纜索撐曳窮篙舫攘臂喊乃齊跳身勇能賈
掉泥龜曳尾趨草蚤動股死力掙頭顱猛氣積腰膂轉關
撼坤軸出地奮雷鼓濺沫跳珠璣流藻濯綺組是時日方
中火織張卓午偃仄短篷間知魚臥鬻釜豈知波面人水
濡更火煮裸體焉我挽裂膚竟誰撫而我方卓然兀坐不

此非余首區分一
猶愈傾漿碧沈杯展筵白揮羽咫尺判菀枯性命懸莽鹵
少焉泊前灣新月一鉤吐爭浴喧淪漪晚飯命儔侶方欣
生事優未識向來苦夜半涼風來雨勢蓄猶怒明當倒銀
漢力致多稔黍豈獨利行舟江潮漲幾許村醪行可沽一
斗吾勞汝

雲篋見示龍槐寺同飯崇效寺看花之作復次其韻
結廬人境車馬稀春殘猶自戀春衣百年幾度花前醉一
飯不忘天下飢樹老無枝龍自卧樓高有級錫能飛爲貪
欲盡花經眼藉草相將坐不歸

顏檢字惺甫連平人乾隆丁酉拔貢官至漕運總督有
衍慶堂詩藁

詩話惺甫詩不名一家而忠孝友愛之言莫不從性
情中流出自題詩卷有獨彈古調有真趣能解愁懷

無變聲之句
足規懷抱

晚秋詞

斜陽欲落猶未落閒庭悄悄風吹幙禽栖倦翼入疏林菊
寫芳容剩殘萼深閨寂寞涼侵肌秋怨秋愁將語誰手執
并刀共牙尺親裁長短寄寒衣

巷柝沈沈夜已永凌晨頓覺秋光冷霜樹低垂鴉未飛玉
爐初暝煙逾靜佳人睡起倦含嚔欲整衣裳粉自勻身倚
闌干意怱悵庭前尙有未歸人

送酒至興隆寺作歌柬樹崖

山雲淦淦山風微雪花點點如花飛笑君無事抱膝坐風
生几席雲生衣豁達胸襟溢眉宇幡幡其腹豐其頤豪興
於此正不淺何堪藜藿充朝飢故人贈我春釀酒烹鮮更

佐冰魚肥吾儕山居任嘯傲還同野馬無羈躡好景在眼
杯在手酩酊痛飲復奚辭命我僕捧君卮瓶已罄再酌之
但期耳熱情胥怡此味何必他人知雪如不止山路敲君
其醉矣無須歸

春雁

春雨灑我庭好風吹我衣雲影留微陰日光澹餘暉雁陣
來玉門嘹唳長空飛修翎度雪嶺回顧嗟天涯同此聲嗷
嗷遺音胡不悲湘水非故土良時早旋歸

田蒲圻口曉發

一舸凌江去江湖匯百蠻洞庭匯諸蠻黔南之水至巴陵與江合流初陽爭曉
樹宿霧失青山風到帆敲側天空鳥往還垂楊猶未老秋
色淺深間

過岳陽樓

西湖湖水闊東湖湖水長東西同一湖湖色爭天光我昔
曾往東湖去去時忝作瀟湘主我今復向西湖游游蹤重
上岳陽樓岳陽樓下多檣櫓天高秋朗澄沙渚晨光暮靄
氣萬千日往月來人今古古今作者皆登臨誰識先憂後
樂心山岳江湖自形勝乾坤吳楚多胸襟胸襟亦何託古
人不可作先蹟手摩抄樓中有先中丞聯額手蹟讀罷淚併落淚落不
能收霜露春復秋回頭已卅載此日來孤舟此日孤舟空
往還半年三度看君山三度君山長不改嗟我自髮非故
顏

微雪得句

塔影依牆立鐘聲入暮來雲飛高嶺薄鳥掠夕陽回老眼

惟餘倦閒心未盡灰雪花飄不住簾下好銜杯

劉清字松齋一字天一貴筑人乾隆丁酉拔貢歷官雲

南布政使改曹州鎮總兵

詩話松齋幼孤事繼母楊恭人至孝年十八折節讀書尤好左傳識兵法後官四川由縣丞至監司所至以廉惠得民心民呼劉青天仁廟親勸賊首王三槐於瀛臺三槐供言官偏民反上曰四川一省官豈皆不善耶三槐對惟有劉青天一人御賜松齋詩云循吏聲名遠邇傳蜀民何幸見青天頌示各直省督撫松齋未生時有童謠云拔貢總兵果終於登曹二鎮任登州時重修蓬萊閣與士人齎詠其上

道光壬午五月自曹鎮任奉命致仕返黔儆裝將行

賦長句四章敬以紀恩兼用誌別

卅年冒寵玷朝班詔許全家返故關善飯尙誇身手健戀恩先悵鬢毛斑年來衣食皆天賜老去林泉得自閒萬里棲霞知好在只愁無計買青山

秋風欲別轉流連回首雲山緩著鞭千里桑麻彌海岱萬
家井竈息烽煙駑駘未必知前路樛散空教養大年疊荷
君恩猶未報虛名敢媿況青天

抽帆宦海覺身輕慚愧人傳大樹名噩夢未能忘馬革初
心且與證鷗盟苦無奇跡酬知遇賸有餘生頌太平笑語
山東諸父老急收刀劍事春耕

霄路何心振羽翰螯兜依舊換儒冠敝裘典盡書囊在壯
志銷除劍匣寒十月冰霜時節改一家雞犬去留難真成
日近長安遠獨向浮雲直北看

楊廷理字清和號半緣又號更生柳州人乾隆丁酉拔
貢歷官福建臺澎兵備道罷復起建甯知府有知還

書屋詩鈔

綏定曉行

月伴長庚向曉明，煙光澹沱隱巖城。
薄寒未厭征裘重，長路偏知客騎輕。
塞樹森森含翠色，溪流曲曲送泉聲。
到來了卻公家事，一盞清樽話短檠。

漫興

看雲玩雪六年閒，人笑癡疏自笑頑。
釣艇不來伊麗水，流

甚急舟行如駛

芒鞋誰上格登山

格登爲伊犁主山終年雪封樵人莫能上焉

一庭枯

柳留空影尺幅虛花伴醉顏，謂雙橋美人圖車馬追陪邊塞久，此

心未信出天慳。

城中卽事

半日堅冰半日泥，牽車走馬漣輪蹶。
風開翠蓋松舒秀，鳥

啄青條柳破黃簷，溜倒垂新束筍土膏初動舊方圭。庚信賦同

地理於
方圭
騎今皆
堵塞矣

遙知塹道顏山雪潑眼瓊瑤處處迷

菓子溝始有雪巷可容一

將抵洞子頭阻水

沿嶺松杉鳥道斜炊煙起處辨人家西風夜雨連宵泊飽聽灘聲走白沙

汪中字容甫江都人乾隆丁酉拔貢有容甫先生遺詩

阮芸臺曰詩學盛唐參以金元顧南雅曰先生詩於五倫間勤懇而格律一軌於正其性情疏露可想見其爲人樂蓮裳日規撫漢晉取法唐人
不爲博溺不以才聘並世詩人罕與接席
詩話容甫強識高才述學內外篇風行海內不必以詩重而詩特清越可誦贈黃仲則六首有云相對一賞音信宿已興謗二君固皆難諧於俗者其福箴云峭厲峻急不集其福蓋自知之已

靜夜

夕雨秋氣陰淒風入戶靜嘒蛩懷苦心衰草露華冷空牀

生夜寒夢回知漏永展轉聽鐘鳴昏鐙照孤影

秋夜舟中作

野岸縱橫路山樓斷續更夜寒江月墮夢醒草蟲鳴水宿
疲來往愁心問死生客途衣未授珍重倚門情

古詩答方立堂

秋瓜被露井引蔓終不實同受天地生安知我命劣驚風
吹野草寒泉清露結飛蓬懷故根山川渺難越一身苦不
保俯仰兩自失勞生理所安感君心察識落日下平林倦
鳥投故枝如何負同類孤生多受欺黃鷓一失所萬里身
安歸遠道未云苦卑棲常自危孤鳴時慕侶中夜有餘哀
焉得君子心忠信兩不疑豫章初萌芽苦蒙霜雪委春風
草木滋精氣悲已餒惜茲成物艱反恨生材美偃卷猶力

爭委心固所恥日夕牛羊歸旁皇不能已

旅食

旅食秋江上浮生感二毛畏譏多禮數居賤習憂勞野性存麋鹿機心對桔槔百年將母計未敢託名高

劍潭移居

身世飄零我自嗟十年三見汝移家蒼苔行處冰猶滑社燕歸時日未斜秋雨尙沾鄰院葉春風欲動過門車最憐月出停琴夜相對寒梅一樹花

野望

西山朝旭隱高城城下清霜百草平沙岸風迴江鳥墮松林雪霽寺樓明澤冰乍合魚猶上礮土方堅麥未生病後心懷自知少負薪終日逐人行

客散

客散虛堂靜，風簾倦不鉤。
松篁明夜月，枕簟入清秋。
親老兼多病，身孤更遠遊。
未應中宿鳥，相對尙啁啾。

秦淮雜詩

明月東西十度圓，車如流水到門前。
青山黃土人多少，鏡火笙歌似去年。

憶梅何日下西州，一曲清淮五月秋。
永閣畫簾人獨坐，烏篷闕盡淚雙流。

當塗行

去年江水漲，田舍盡漂沒。
民生各相棄，城市半空閉。
食草不留根，掘山類成穴。
露宿迫窮冬，北風凍膚裂。
嚴寒搏飢火，冰炭內潛結。
盛暑萬竅開，霧溼上蒸熱。
淫雨包積陰，驕

陽固不泄是時沴氣作摩空互傾軋或香如爨飯或腥如
喋血所入至微密所觸卽危隄纍纍行國中人鬼儻存沒
平生金玉身一病等蠓蟻自非遘天災生命未應絕始知
泉下人百年多枉折展轉逮深秋餘厲猶未歇野哭反無
聲不死亦殘荼哀哉此土民際茲厄運烈世世遭生成一
旦忽灰滅焉知造物心反正有肅殺高歌續天問歎息達
明發

楊芳燦字才叔號蓉裳金匱人乾隆丁酉拔貢官靈州

知州改戶部員外郎有芙蓉山館全集

詩話蓉裳善駢儷文與洪北江孫淵如齊名出任甘肅知伏羌縣值回民田五作亂圍伏羌君誅內應數人隨機設方略守城五晝夜援至圍解論者比之睢陽玉壁後爲貴郎聲名益盛涼朝多暇高文典冊多出其手詩沈博絕麗有金鵝香象之觀

暮雨曲

溼雲如夢柳毵毵
花落鶯嗁酒半酣
獨倚闌干聽暮雨
吳娘水調滿江南

廢寺

松杉鬱然深遙指空王宅
入門無人聲棲鶻驚磔磔
卧鐘苔篆青頹牆土花赤
塵埋狻猊首泥墻龍象脊
古鼎冷不然殘僧瘦如腊
宵寒鬼吹鐙徑僻犬疑客
飛鷗互格鬪鳴蟹聚啾嘖
銷磨匪自今繁華記猶昔
劫灰歷千載慧眼纔一瞥
變滅殊無端持以問禪伯

喜汪容甫過訪長句贈之

汪生似儻出世姿
短衣孤劍將安之
江湖流浪苦復苦
人說才奇窮更奇
相逢每恨來何晚
掃室殷勤開酒瓊
糝將

何點白葵羹捧出休源赤倉飯狂來不顧世眼驚相對拉
雜談生平文人失職有同病出吻各作寒號聲君言稚齒
飢寒迫棄擲詩書最堪惜弱冠方傳作賦才壯年始奪談
經席五經復興魯叔陵纍纍著作充箱簾心開窾突深莫
測面若刻畫森有稜奔走風塵飢欲死撐腸萬卷徒爲耳
肉食難分博士羊草衣且牧公孫豕羌余少小趨雕華斧
竊繡悅相矜誇愛儲奇字未滿腹慣拈強韻空聾牙千秋
絕業不同傳君入儒林我文苑須識夔虵總可憐何當蛩
鉅聯爲伴坐談不覺日影移榜人催上河之麋卽今一見
復奚益翻令千里勞相思留君不住我心苦握手臨歧涕
如雨他時相望越王臺何日同燒趙州土布帆無恙凌風
颺秋來應看錢塘潮潮頭儻有雙赤鯉盼君寄我英瓊瑤

湘湖

遠火兩三星空波接杳冥雲英浮水白月魄盪煙青客裏吟懷闊風前酒面醒聲聲漁子曲獨夜不堪聽

伏羌紀事詩一百韻

聖澤敷殊俗天聲震八紘花門何醜類草竊敢縱橫釁爲

尋仇啟妖由搆煽成逆回田五謀復新教句引匪類修理石峯堡爲聚眾之地鼠牙工

發覆蝸角怒相傾先是賊匪約於本年五月五日起事方緣回民李應得首告未及期而遂反方

鎮空持重中權孰使令養癰憂內潰躡尾失先鳴賊由海城攻靖

遠轉掠而南官兵尾追疏於堵截濡滯師將老驍騰敵果勅誰當擒罔象

無計掣長鯨祖厲朝呼渡靖遠從逆賊匪艘船以待賊因沿梳而下蕭關夜斫

營西安州營被劫定西仍聚落賊首田五斃於狼山餘黨遁至官川招集

安定回匪渭北卻翻城賊眾劫通渭之馬營監最爾當陽

邑相違一日程號脣虞是齒郝柝魯聞聲中夜荒雞噉高

巖石鼓鏗

先是伏邑雞未夜半輒鳴占云有兵又

重圍占

月暈大角動星精縣尉能全節

五月初九日賊破通

將軍

竟殉名

明都統孫參將遇賊於高廟山奮勇死

殺沙蟲師有劫風鶴信頻驚陸

地機纒發蕭牆禍早萌朝三狙暮四晝伏鼠宵行無奈禾

生莠難教石化瓊搜牢甯有術鉤距遣誰偵

城內回民馬稱驥兄弟數

人從賊約爲內應包藏詭祕

狠卜陰謀泄犀然詭狀呈么磨方擾擾數

士獨錚錚義可捐妻子情誰顧舅甥

回民馬映龍即馬稱驥甥也

矢心

先告密雪泣自輸誠嘉爾殊慷慨緊余不聽瑩終然邀上

賞可以定輿評

五月十四日回民監生馬映龍白中陳馬

猝未能至余督率漢回民夫守城外議以回民不便同守

後李制府到縣以馬映龍等舉發內應守城出力賞給武

弁劊付外議遂息

眾志堅堪恃狂鋒猝敢攖卧熊吞貉子嗾犬捕

狸狽狡窟憑熏灌祇酋競抗衡交衢長鍛滿狹巷短刀迎

螳臂窮奮蠶眸死尙瞠駢頭填狂獄連頸縛徽纒

五月十八

日請兵未至而馬稱驥等逆迹漸露勢難復待決計擒捕賊已持械而出當時格殺馬稱驥等四人餘皆先後就縛

內患方消弭前村倏鬪爭烽煙騰土埃賊騎滿山坪

十八晚

賊由縣鄉巴斯坪各村莊驅脅回民大掠而進

跣足夫攜婦摩肩弟覓兄倉皇棄

髻鬣嗚咽哭嫠媪近郭人流血環郭火徹明姚墟餘瓦礫

謝墅剩榛荆

縣北五里姚謝家莊有武生姚以甯等率眾拒賊被害尤烈

譟或干脣沸

行如一足蹶飛揚氛甚惡跳盪色何猶呀闖摧牆壁喧逐

折棟蕘陣雲愁蹶黓邊日慘光晶滿谷驅牛馬連車藉稻

秔爭先誇矯捷走險據嶢崢

賊據天門山距城里許

巖邑周防早微

官性命輕俠腸原耿耿獨行信硜硜黑子城三版青萍水

一泓周苛惟誓死傅燮敢求生羯末才無敵羊何氣並英

射雕驚斜律倚馬笑袁宏

時羽書絡繹皆出戴曉嵐暨從兄弟箕山伯初之手而箕山登

城射賊竟斃一人

勢只伸孤掌危還藉眾擎帶刀農佩犢

時招募鄉勇多

至于

餘人持戟士離覺

邑諸生魏輔君王表等均有幹略悉令守城

健婦俱行汲羸

童亦踐更奔馳勞僕隸奮勵逮髡黥

流人李忠等上城禦賊頗為出力

流

電飛髻落狂雷巨礮轟登陴均受甲給廩免呼庚四日孤

墉在干夫一膽并徒勞設梁麗屢見碎衝

賊積草盈車伏車下逼城

屢被鎗石擊斃

天意為誰怒民心笑爾傭

賊連攻四晝夜城上矢石如雨斃其首從百餘

人賊膽懼怯遂不敢復進

如棋爭劫勝似博殺梟羸侵曉憑樓堞遙原

見旆旌煙塵飛候騎笳吹到援兵象主羣陰遞爻占大道

亨危巢徙梟鴉舊穴聚狐麋

二十二日李制府率兵到縣城戰輒敗遂於二十四日遁

走秦安山底店仍聚石峯堡

自昔恢王度由來仗國楨班資周保傅勳

闕漢公卿

福制府暨英勇中堂先後率京兵來甘進剿秦蜀各路官兵亦陸續雲集

玉節來樞

部銅符事遠征指麾皆頗收趨走盡韓彭芟舍嚴刁斗轅

門急鼓鉦羽書千里應積粟萬囊盛續挾全軍燠醪投眾

士醒兩甄排稱妮列騎雜斑駁貳負強遭梏防風窘待烹

長圍羅劍槩險道斷溝坑賊堅守石峯堡我兵四面圍

羣慝應簫勺神姦首滿盈臍膏明似燭項骨肥於菁項骨

春蔓菁見廬全詩困獸攀籠檻游魂戀釜錯肘跔紛磔裂骸骼亂

枝撐烈烈摧枯朽炎炎燎聚蝨纍纍俘婦女婉婉曳孩嬰

踰伏難藏迹推求莫遁情自知應斧鑕初不假咎撻縣中

回匪有自底店竄回各村者獲之輒一訊而服革面從文豹遷喬慕谷鶯爾曹生

有路今代獄惟平近奉上諭良善回民仍令安業毋許株累有向從新教者許其改歸舊教寬

大羣方悅明良百度貞直教空貫索奚止掃檣槍歸馬秦

川迴回軍華嶽晴豹韜宣偉略龍額錫殊榮福制軍特晉侯爵銘

擬燕然勒歌同漢樂賡歡聲溢鄜市和氣叶韶謨溫語傳
丹旻恩綸出玉京蠲租憐瘠壤給復慰疲氓賚溥金兼粟
仁先獨與惇遺墟修板屋殘觚掩荒塋奉恩詔凡被賊焚
掠傷害村莊均與
極優渥痛定微軀在腸迴百感縈失時幾拾瀆懲熱慣吹
羹彈指龍華劫當場傀儡棚青山招遠夢白水憶前盟關
隴皇威暢邊陲戰氣清江鄉三畝宅何日好歸耕

過淨因寺

一徑碧叢叢招提在遠峯葉香眠麝草枝偃挂猿松露重
溼雙屐雲閒隨短筇憶同王法護曾此聽清鐘

寒食郊行率爾成詠

天涯冷節最無慘信馬垂鞭過野橋前度園林花事減舊
時衫袖酒痕銷滿陂新水跳魚子一徑晴煙長藥苗指點

明倫彙編 家範典 卷一百一十一

遙村雲樹裏青旗風影若相招

嵐光澹澹水粼粼春到邊城不似春雙鷺蕭閒如傲客孤
花憔悴欲依人久拋謝客尋山屐空戴陶家漉酒巾儂是
江南游冶子爲君悵悵話前塵

賀蘭山積雪歌

君不見賀蘭山色青嵯峨倚天疊幃開煙螺長風盪雲生
翠波照眼光寒忽相逼千峯一白排空出礮車夜碾陰崖
裂陰崖太古雪未銷新雪又復埋巖腰茫茫旱海堆銀濤
銀濤百丈拔地起玉龍蜿蜒露脊尾歎霧拏雲狀譎詭夕
陽倒影瓊瑤臺憑虛彷彿羣仙來素鸞白鳳紛毳毼決背
狂呼訝奇絕肝膽槎枒冷如鐵不識人間有炎熱受降城
畔寒沙平回樂峯頭孤月明高低激射搖光晶安得手攜

九節杖直上層巔披鶴氅一曲高歌眾山響

讀盈川集

胸羅斗宿爛生光健筆橫馳翰墨場當日聲名出盧駱吾
家體格本齊梁曾從夢裏分餘錦時向行閒挹古香千載
懸河流派在爾曹輕薄莫評量

重過彈箏峽

落日亭亭鞭影度長煙四合青山暮彈箏峽裏少人行淺
瀨明漪照秋鷺巖泉滴漉成古音仙風飄落寒翠深冷然
天籟無定譜移宮換羽隨人心客路重聽吟興愜清響漸
遙人出峽回首殘霞空外銷一痕纖月如銀甲

聞洪稚存入關卻寄

蘭山話別各傷神浩蕩冰天逐雁臣幸免若盧收杜眾還

愁樂浪竄崔駟孤蹤拌作長流客溫語旋迴絕塞春開盡
桃花消盡雪兩行紅柳送歸人

雞竿詔向九天頒鄭重君恩特賜環傳到好音先破涕懸
知小別未摧顏朝搜斷碣窮沙磧夜聽清笳度雪山萬里
只如庭戶近輶車聊當採風還

上書慷慨豈沽名願効涓埃答聖明宣室舊曾徵賈傅謙
言今已念班生親知預擬聯裙屐邊徼行看洗甲兵見買
夫須營釣艇滄江穩卧頌昇平

湖山佳處儘相羊懈舍漁村認故鄉築室且教泥水蔽著
書合付子孫藏羈魂恐尙依銅柱

痕多斯地有堯時銅柱相傳塞外人死皆歸之

如中園之

有岱宗云歸夢時應到玉堂愧我浮沈銷志節白頭顏駟

乞爲郎

蓮花博士歌爲吳蘭雪作

鑑湖一曲雲水涯風吹萬柄紅荷花放翁醉後出奇語花
爲四壁船爲家滿湖風露涼煙重冉冉故人來入夢勸翁
暫領新置官美酒百壺當月俸明妝環立千娉婷博士合
以蓮花名詩人自古有奇福水鄉別築芙蓉城真靈位業
依稀記瀟灑吳郎堪作替夢倚紅香四面風扁舟棹入空
明地今年花發積水潭接天雲錦紅酣酣青山窺人出港
北白鷺導容過溪南十剎海邊攜俊侶君自高歌花起舞
角巾微墊紵衣涼翠蓋輕翻滿身雨西風瑟瑟零紅愁乘
興還續招提游銀雲湧出大圓鏡琉璃萬頃搖清秋畫省
高閒詩博士笑指頭銜恰相似癖嗜從教命屬花詩人命屬花孟
東野冰衿儘耐官如水羨君倜儻才疑仙珊瑚擊碎詩狂

顛金樽翠管鬪新句瀾翻舌底生青蓮夢游歷歷靈蹤在
眞見蓮花似車蓋十丈曾攀太華峯一枝穩坐耆尼界我
亦琳宮博士身登樓常憶舊星辰雲階月地如相訪手把
芙蓉證夙因

撥悶柬二三知己和之

仙心禪悟兩難分萬劫靈光一片雲別有閒愁歸洗馬不
須綺語懺司勳琳函舊識丹臺字石篆新鐫碧落文銷盡
平生恩怨感清齋夜禮玉晨君

趙廷樞字仲垣號所園太和人乾隆丁酉拔貢官安仁
知縣

曉發樟樹鎮

未曉舟師起鳴榔枕上聞岸風吹浙瀝川日散氤氳野水

多於地江帆半入雲緇塵吾已厭騁目息勞筋

曾鏞字在東一字鯨堂晚號復齋泰順人乾隆丁酉拔貢官東安知縣有復齋集

旅夜

驚風飄海鳥黑夜入雲間羣失追飛急天高擇木艱迴盤
鳴欲下倏忽折之還安得幽棲宇青山隨白鷗

袁文揆字時亮號蘇亭保山人乾隆丁酉拔貢官雲南
教諭有時畚堂稟

詩話蘇亭與見陶村編次滇詩記略託始蘭蒼槩木
諸歌下逮乾嘉之際至爲詳審其後昆明黃矩卿琮
編詞音集石屏詐麟篆印芳編重光集相繼展續天
南風雅燦然大備先河後海二袁創始之功大矣

哭師荔扉

久聞君言歸眼穿望不至一朝捷足來想必由奉使未及

問無恙計當在途次豈知隨皖公潛霍去游戲駭極頻究
詰魂飛反無淚翻悔信君歸年餘斷緘字歸計既躑躅何
不一言示慟哭聲頻吞停雲紛雨墜

雲水渺萬里寸心曾不隔老至戀友生況期善互責邇來
談經地近君五畝宅若使果歸來應得數晨夕分袂又七
年關山渺無極回首別雷池永訣已在昔而我癡復癡寤
寐情脈脈

武都道中

欲歸歸竟遂一路好看山水瀉青羊峽雲封白馬關戍樓
殘角盡麥隴老農閒時有臨江宅桃花三兩灣

懷蔣修隅同年

貧交意氣自聯翩落拓金臺共幾年大令筆誰譏餓隸小

坡詩已著斜川飲餘白墮顏空壯著做青袍歲又遷記得
臨歧勤贈策祇今朔雁到何天

張太復原名景運字靜旃號春巖一號秋坪南皮人乾
隆丁酉拔貢官浙江太平知縣改遷安教諭有因樹

山房詩鈔

石夫人歌

五龍何岖嶢蒼翠鎖髻鬟上有石夫人亭亭白雲間白雲
影落橫湖水照見衣裳明鏡裏當時擁袂泣無聲地久天
長扶不起風疏石髮森綠苔雲羅靜斂菱花開盈盈漫道
不能語環珮凌霄疑下來石夫人爾何苦纍纍同化七子
女奚不奮飛歸樂土陵谷變遷經幾時不轉貞心自今古
我思鞭山到海東喚爾良人轉飛蓬山頭之石復人化笑

臉相對朝霞紅碧虛攜手共飛去一洗萬古煩冤空霧鬢
煙鬢竟難改青冥迴立年年在待夫君兮何時還日送雲
帆向滄海石夫人恨休歇精衛銜石女化蟬宇宙由來常
多闕望夫之山更何人與爾迢迢競突兀天荒地老同此
心泣向姮娥訴明月

落星石十六韻

何代星精落拳然此一方卧苔仍磔硤懸象本輝光淪謫
千秋感堅貞厯劫忘墜來猶射斗叱去豈成羊隕宋知奚
似支機未可量怪疑蹲虎豹變不共滄桑卻想九天外流
輝萬丈長台階鄰輔弼奎壁接文昌照合通南極高原近
太陽幾年沈下土闕彩向平岡礪角曾經否埋塵轉可傷
波凌憶河漢榆白感風霜已隔三霄路還依數仞牆夢應

迷太白奇或拜元章迥異昆明岸難歸帝座旁秋風懷五
丈化石亦光芒

侯坤字盤石無爲人乾隆丁酉拔貢官廣東鹽運司經
歷署運同有蠶竹山房詩集

登天門山最高頂

大江之水勢如萬馬奔騰去不回茲山又如橫江鑄鐵不
與通往來何年卻經五丁力士手神斤鬼斧劈出兩扇天
門開我登東梁最高頂混茫莫辨水天影松下野樵枕石
眠謾謾山風吹不醒凌虛忽然似乘舟水雲蕩漾山欲流
須與白浪洗出接天千尺練當空一雁摩清秋千林萬壑
斂暝色且叩禪關卧花窟夜深更欲呼山僧披衣同看波
心月

山行

扶竹日看山山因人意閒問秋紅樹外觀世落花間偶與
孤雲約相隨飛鳥還何年藏古寺僧立翠微灣

王宗獻字仲之號揖山諸城人乾隆丁酉拔貢廣西候
補州同有求聲集粵游草

江口驛夜泊

繫纜寺邊洲聞鐘識寺樓風聲江樹夜雨氣客船秋古驛
花峯蘆山城麗水流舟人相向說南去近交州

高陽道中

客思茫茫未有涯又攜春夢上征車荒原落日生燐火平
野西風起白沙吹入詩情如中酒投來旅店似歸家沿城
一帶寒林影暝色蒼蒼集亂鴉

劉廷鏞字麟海祥符人乾隆丁酉拔貢有麟海集

詩話麟海少負異才詩哀感頑豔年十九生日賦詩
結句云如何鯤化三千里未免童心十九年乃補廩
拔萃選賦修文
年祀二十有四

秋日有懷何小山

黃葉下城早涼風動北樓一
鎊昏照雨雙杵夜鳴秋芳草
人何處浮雲客自愁王孫何爲者
桂樹久淹留

吳樛字季文號蘭柴新化人乾隆丁酉拔貢

文斤山

邵陵分郡日仙令在高平縣古浮雲合城荒嫩草生挂冠
餘俗美解組得身輕嵌空雙石峒長對暮山橫

宋大樽字左彝號茗香仁和人乾隆丁酉舉人官國子

監助教有學古集

詩話茗香詩宗太白真樸處又雅近王孟豪於酒與
酬落筆灑落不作凡近語嘗爲五言曰種花莫種桃
住家莫入城生兒莫早慧交友莫近名符南樵
以爲不襲前人而如古箴銘實則出自少陵

珠簾泉

香鑪峯頂生紫煙玉京朝罷歸神仙神仙洞府隔人世是
珠是簾泉非泉珠簾十里等閒事何如常挂青山間清風
明月入簾去簾中似有人翩翩桃花含笑而未語白石無
情而誰憐簾兮簾兮胡不捲吾將坐待三千年

贈朱秋巖

髫年別母飽風塵盡改鄉音已十春莫向天涯訴離恨更
誰知是異鄉人

寄洞霄宮羽士

憶探西谿梅曾飲餘杭酒白鹿天半鳴今復爲誰有我歸

老母旁此樂勝丹房東園桃已熟齒落猶能嘗豈必王母
遺聊可佐壺觴風吹白雲來時帶溪花香庭前長瑤草呼
兒飯牛羊

臨平山安隱寺最幽偶往游矚

周覽若有失遙懷輒引領白雲先客在春入空山靜松風
答樵歌蘿月帶潭影達者能棲心至此更深省

宿湖上

月外帶疏雨空濛水不如僧來人靜後琴弄晚風初揮手
忽澄霽遙情在碧虛好風吹未已一夕放芙蕖

上徑山

忽在白雲上如浮滄海中雲消常作雪天近但聞風誰問
棲禪宅曾爲避暑宮道人偏笑客何事入寒空

黃定文字仲友號東井鄞縣人乾隆丁酉舉人歷官揚

州同知有東井詩鈔

李保泰日東井初爲廣東縣令博羅黃池之變身在行間詩吐棄凡俗華妙鏗鏘篇約而意豐格嚴而神儻

晉松和樗庵先生韻

阿育王山古靈窟奇氣獨闢天南垂千年靈秀蘊不發乃
與佛氏留軍持支離老樹獨高踞佛塔偶寄冰霜姿辟如
陶令入蓮社一笑不見我與而橫空偃蹇掉頭去臭味安
肯聯莊施顯神藏用葆靈質豈若樗散傳卮詞樗庵先生
古模楷杖策獨與山林期入山尋松若尋友蒼髯捧手相
提攜從游更得未曾有如讀異書神爲移昔從圖經見之
久目所未到心先追誰知聞見總不逮咫尺不到山靈嗤

坐久涼月出東嶺山風不動龍吟遲石壇冷落坐未得寒
光自老千年枝千年游屐幾萬輩詩仙詩鬼來無時都將
險語供寫照千頌萬偈誰留遺先生一笑拈霜髭姓名落
落長松知羊公自與峴山古儷以湛等甯非癡聖燈佛火
置勿問歲寒之友斯取斯

禪陵行

濁漉城頭北風起夜聞山陽泣山鬼曹家寒食漢家墳翁
仲無情墮鉛水當時神州悲陸沈兩京陵墓成荒岑祠官
舊事空投玉校尉新衙有摸金征西將軍老不死墓上曹
侯竟誰是虎皮羊質五官郎抱頸輕狂作天子豈知剛卯
摧金刀轉眼又失當塗高赤符未絕中興漢白石先聞大
討曹至今日暮行山路回首銅臺復何處春雨曾傳賣履

愁秋聲誰覓西陵樹君不見長安石馬嘶昭陵會稽杜宇
嗟冬青杯土山陽還好在人間玉盃幾飄零

龍門

石樓伊水曲秋浦散斜暉匹馬亂流去衝人雙鳥飛雲歸
樵擔重苔護佛容肥

兩崖石佛林立

幾日風塵裏山林得暫依

陳后山祠

詩到窮愁合閉門茅廬何處弔幽魂瓣香未肯輸坡老舉
俗空知愛許渾秋入候蟲吟獨苦春歸脫木晚初溫西江
宗派當時體尊酒何人與細論

春日張古餘太守招同蘇常二郡守登平山堂

平山讌集追前輩勝日登臨五馬齊鳥破夕陽天遠近水
分青草路東西欲殘樓閣猶金碧過雨花枝半笑嗟問道

焚春紅芍藥幾圍金帶出招提

秋燕

蕭蕭秋影斷橋東斜掠平蕪逐轉蓬爭似畫梁春夢醒秋
千紅索海棠風

幾番風雨換年華舊夢還尋王謝家歸去海東雙睡穩絕
勝孤雁啄蘆花

徐彬字喬生號秀亭丹徒人乾隆丁酉舉人官景州知
州有海天萍寄贖草

余秋室先生

漢代首徵辟校書天祿深平生酬主志千古愛才心重典
蓬壺藉旋爲吳越吟寢門期一痛飄泊又而今

張吉安字迪民號蒔塘吳縣人乾隆丁酉舉人官餘杭

知縣有大滌山房詩錄

詩話迪民生有夙根熟誦內典恆言世人沈溺於名利之場皆因我相存於心耳又述蓮池大師之言曰世人官興濃則去官時難過生趣濃則去世時難過嘗以放下二字銘座右詩多警世語

二陸草堂懷古

婉變崑山姿

用士衡句

俊偉產其麓訪古五茸城喟焉歎二陸

將相門華腴文章世推服赤烏銷霸業天意覆邦族辨亡論三篇實自炫荆璞相攜事闔朝羈旅作都督恩威成都王罹禍何乃酷仕宦一熏心肺腑盡成俗漫將千里藎比擬到羊酪不見張季鷹命駕秋風速膾斲吳淞江鶴聽華亭谷

二陸優劣分士龍較敦篤東吳舉賢良於時年十六入洛正翩翩二俊張華目出補浚儀令平心斷疑獄干請拒黃

門訶直氣嶽嶽王弼夜譚經神鬼亦欽服盧志工譖人遂
乃肆謠詠造物豈不仁一例遭荼毒三世將不祥西陵誅
亦酷天道本神明報復如轉轂

王焯字少闇號碧山嘉興人乾隆丁酉舉人官鎮海教
諭有白華堂集

與陸燦夜話

每憶故園風日好卽須來就故人論雨餘麥浪碧於水溪
上藕花香到門水旱沙田饒稻蟹枌榆酒瓊及雞豚更憐
晚飯彫胡罷飽讀殘書秋樹根

李華春字實之號坦庵狄道人乾隆丁酉舉人官清澗
、訓導有坦庵詩鈔

板屋

板屋吾鄉結構工望衡對宇各西東閉門氣冷晨霜裏敲
枕心清夜雨中輪奐未容誇晉室詠歌久已入秦風竹樓
遺韻猶堪比月下彈琴四壁空

盤豆驛

疏雨生涼夕照開高梧叢竹淨塵埃歸程喜近秦關外太
華蒼茫拂面來
數株高柳亂鳴蟬一帶叢蘆冑晚煙爲底今宵歸思切玉
娘湖上月嬋娟

六盤山

策馬山城曉倍寒紆迴驛路入雲端作書休與家人寄冒
雪衝風過六盤

張誠字希和平湖人乾隆丁酉舉人有嬰山小園詩集

詩話希和亦當時風雅之士但詩不甚醇粹其五梅
集二卷詠梅詩多至二百餘首括題既瑣屑無味亦
少佳章訪錢塘袁簡齋詩自注云太史稱余詩似竹
垞文似麋峯其詩實去竹垞遠甚簡齋亦譽之太過
矣

雨中游慧山秦氏園林

山巔晝忽暝颯然生涼吹憑高俯園林迷濛但空翠晴游
非不佳既雨轉深邃假蓋問禪僧下嶺款蕭寺入門旋出
門緩步俄焉至圍丁導我行幽景天然異有泉注作池其
源本第二雲根古苔斑木杪蒼煙膩石徑小橋通深院幽
篁媚一覽得其全閒身片時寄

包山顯慶禪寺

山行不知遠叢木忽蒼翠青嵐起層岡幽幽隱古寺初地
肇蕭梁嘉名賜唐帝復有慈受僧結廬傳宋世寺前五株

松落落擎天勢，蚪角不可攀。龍鱗時或墜，山僧頗好名。竊
附五柳意，揖余爲余言。此樹閱千歲，其下兩石幢。中藏佛
舍利，剔蘚試摩挲。其一本無誌，其一會昌年。僧契元書字，
字字空王言。歷歷時日記，頗通瘦硬神。亦饒煙雲氣，幸藏
深山間。勿爲椎拓累，守拙全天眞。斯理得罕譬，少小慕松
陵。倡和金蘭契，今來精舍中。曾是結遐企，棟宇或劫灰。林
壑餘古致，我亦煙波徒。翛然願高寄。

訪錢塘袁簡齋太史於金陵之隨園。太史有詩贈行，
并題梅花詩話夜宿小倉山房賦。

九天珠玉落塵寰，直送西登劍閣關。一夜分明宿天上，來
朝依舊走人間。似公國士知能幾，愧我平時學未嫻。別後
峩眉嵩華頂，相思如見小倉山。

五丁峽

懸崖萬仞高飛流橫界道陰風颯立中奇石矗雲表日月
東西虧雷霆晝夜繞壯哉五丁峽天險關匠巧行人水中
行一綫走深窈左防天柱折右恐冰山倒身非猿猱升心
虞豺虎齧遠峯青濛濛密雨白浩浩牧犢竟得蜀秦人計
何狡壯士化塵埃遺跡幸未掃雖異巨靈掌絕勝飛鶴爪
儀錯今安在懷古憂心悄前登羊鹿坪山山嘯悲鳥

泗上亭

泗上亭王業起秦皇侈言萬世君那知亭長是天子亭長
縱觀秦皇帝喟然丈夫當如此車駕東游厭王氣亭長自
疑私自喜亭長作天子縣吏爲相國開國君相萃一邑沛
中邑泗上亭殷亳都周鎬京

吳棫字敬亭礪伯人乾隆丁酉舉人有歲吟錄

吳松厓曰隍中古鄴善近數十年武備雄於五涼甲科蔚起亦將中原第求一詩人不易見吾宗敬亭礪伯之詩人也一身之所居游固皆邊塞之真詩其骨力清剛而感激豪宕也固宜

宿三橋弔淮陰侯

客館銜杯說未央
淮陰往事正堪傷
推心已得逢眞主
躡足何須立假王
卽肯千金酬一飯
不難百戰宥三章
可憐酒後狂歌日
猛士誰人守四方

咸陽懷古

祖龍遺事久荒唐
今日青門草又芳
渭水東流通砥柱
驪山西折走咸陽
龍爭久識由三戶
蠶食空教畢六王
一慟沙邱成往事
後人猶自賦阿房

中秋夜獨酌

獨坐蕭齋自掩扉，杯殘僕倦悵依依。
一簾疏雨青燈暗，萬里秋風白雁飛。
庾亮樓頭今夜好，張騫槎上幾人歸。
棲遲祇見添斑鬢，何日滄江覓舊磯。

游郭處士莊

幾里松陰處士家，亭臺瀟灑靜無譁。
幽人睡起渾無事，半捲疏簾看晚霞。

汪彝銘字寶吉號吉石秀水人乾隆丁酉副貢官禹州州判有吉石齋集

青陽縣

勞人戀曉衾，程途起戊夜。
岡勢復峻嶒，隨溪上而下。
峭石插遠空，一徑通幽僻。
晨曦動林端，蔥翠光四射。
樹多山不蠻，蕭颯安知夏。
青陽古陵陽鎮，名尚憑藉峨峨。
九子山陸

地蓮花化此處懷詩仙何年訪書舍

對月

移榻納涼樂事行杯託與閒身月下一聲長嘯庭前四顧無人

韋佩金字酉山又字書城江都人乾隆戊戌進士官凌雲知縣有經遺堂集

丹陽道中

雨過千林滴岸深一河靜樹老就支屋瓜熟全覆井村兒貧不丐病婦容能整剝荒倚巖鬼花孤傲秋靚泥牛下阪重叢人弄管暝遠化青山煙陰無萬物影郵程過易忘昔游兒應省撫心感衰病倦目括風景浪跡無所成江山豈心肯

出都兼旬明日是江南境

六渡黃河水車箱鬢欲絲健饒爲客味貧願到家遲湖月初
弦夜橋霜漸白時路塵纔碾盡已誤菊花期

漢水雨度

漢水不變酒蕭然春若秋清明連夜雨花柳一江愁鼓我
滄浪櫂何年西北流紛紛峭帆去七日下午揚州

發漢陽宿黃陂縣

送我漢東路東風吹散絲大瓢雲夢酒殘紙簡棲碑竹屋
魚蠻子江舟水馬兒前勳想韋虎一旅障南司

常州客感

戶小何心對酒觥劫終無復理棋枰吹鐙雨夜衾初薄飄
瓦秋空夢不成葉落隨風思樹苦江長到海記源清山茶

伐盡雙鬢嫁病榻僧樓十載情

香阜寺

城東五里

長河崇精舍風露軒秋谷土香芝
朮暝樹密臺殿複繁花
眾蝶喜深雲一房宿水容白日
靜松門涼月綠聞鐘遂成
往經過肆閒矚無聲堂飯僧有
影岸歸牧林晚眾翼喧孤
禽下尋竹

同陳十錦黃四衛馮三學禮吳二本春
塢山寒望山

在懷集縣南二里

緒風款冬心零雨補月額方寒節
候遲沿溪葉未脫同居
四五人先期戒朝秣言從萬瓦外
一快霜野闊澄水面可
照疏芳聊手掇縹林企單椒望見
久莫達瞻前及翠微顧
後已木末食單先僧廚小憩倚寺
闔盪胸遠天開舒眼四

望豁臨賀送寂寥
吏戲乖刺漉彼南溪水
東北流活活獨葆在山清
皎然不敢奪歸騎
鐘魚催來徑羊牛括待渡
尋鹿場植援聚魚沫山醉
習氏池柳記袁家渴人村
暖可親舊葦戀難割
長江大扁重清湘雁程
遏勝境無窮探所嗟故鄉越

楊元愷字湘石錢塘人乾隆戊戌進士官葉縣知縣有是亦草堂橐

信步

信步踏秋色疏鐘時一聞
風清涼似水山遠淡於雲
忽叩紫霄觀不逢華蓋君
蒼蒼歸路杳松竹帶斜曛

官隄柳

生不願爲官隄柳削皮斬枝若枯帚
列樹空存表道名攀

條無復行人手漠漠平原一片塵天涯無樹著青春寒鴉
落日棲不得孤根月黑如長人人生榮悴都如此得意從
來偶然爾靈和風度祇當年江潭搖落秋風裏二月西湖
春尙寒萬條低亞玉闌干誰道東風一種樹江南江北不
同看

王元勳字叔華嘉定人乾隆戊戌進士官徐州教授有
易圃詩鈔

晨發常山途中矚目

清晨登籃輿透池道山麓飛流界道鳴弱蔓垂橋綠暖暖
開初日遲遲展遐矚蒼山互連娟白雲互斷續崖豁出喬
林溪迴隱叢竹每聞勞者歌因想高人躅煙霞資清真條
然在空谷

登雨花臺遂謁方景諸公祠

秣陵城南秋雨來西風吹上雨花臺
臺高俯瞰白下盡渡江雲斷斜陽開
江聲如雷走吳楚木葉翻飛塔鈴語
龍盤虎踞難久居吳宮晉苑知何處
梅岡東下謁叢祠野草垂花覆斷碑
拾得祠前五色石猶疑碧血染當時
六朝文物終淪喪燕邸少師亦虛妄
重懷忠節獨遲留歸看暮靄橫

秋嶂

和錢漑亭夢游廬山觀瀑布歌

聞有金仙控鸞龍縱觀宇宙探鴻蒙
朝行五岳雷雨上暮宿三山雲海重
虛敖汗漫未足從聳身直上凌紫穹
手攀崑崙雙玉峯俯視銀河下注聲
淙淙生小學道嗟無功十年安神存
絳宮丹砂如雪鉛華紅藥成自謂得
輕舉罡風

吹落塵埃中咫尺名山不可到何況遠躡萬里浩蕩之遐
蹤匡廬九疊張屏風昔年江上曾相逢遙瞻瀑布挂蒼壁
恍訝層霄垂白虹樹色半巖遮欲斷雲陰幾疊穿還通飛
流濺灑金芙蓉上有五老招我巢雲松輕帆駕浪何怱怱
猶看練光雪影斷續明林叢回首舊游成斷夢徒餘景象
羅心胸世間好夢不易得恨君昔夢無由同豈真君身有
仙骨遠隨顛氣高飛冲七嶺雙闕青濛濛巒阜圍合無西
東但見水簾不捲千尺垂瓏璫遽然一枕得大適紛如萬
慮都虛空會否石梁桂樹下玉杯承露逢老翁如何不獲
一援手摧眉戢翼歸樊籠學仙不成且飲酒窮愁莫放玻
璃鍾興發正須尋李白入社自可招陶公醉鄉歲月何從
容九派雪山帶縈結十洲香草花蒙茸眼底方將卑華嵩

直看海水壁立磨青銅吾將與君神游八極相與無終窮

桐溪卽目

桐君未可見溪水自潺湲帆挂浮雲外舟行亂石間畫眉
嗁不住白鷺立方閒獨把盈尊酒臨流看暮山

九日同錢竹汀先生曹習庵舍人登陶然亭有作

孤亭直上出疏林檻外飛鴻送遠音滿地夕陽明潦水遙
空寒色散雲陰憑高易下懷鄉淚客久難爲游子吟差喜
金門多舊識鳳城佳日共登臨

赤沙湖

八月雁南翔湖波接混茫水中散村落木末度帆檣山遠
秋容淡天低夕照黃芳洲獨延佇宿莽引餘香

湘中漫興

春風獨上木蘭舟
漂泊初從楚澤游
屈宋有魂招不得
白雲無盡水空流

渺渺春波鼓柁遲
蒼蒼曉色起愁思
深林杜宇嗁初急
花落黃陵帝子祠

章學誠字實齋會稽人乾隆戊戌進士官國子監典籍
有章氏遺書

詩話實齋所著文史通義校讐通義一刻於大梁再刻於浙江貴州近年吳興劉氏得王穀陸原編益以己刊未刊諸書都爲一集實齋平生不好吟詠其詩話及書坊刻詩話後醜詆隨園不遺餘力平心論之亦多過甚之辭也

丁巳歲暮書懷投贈賓谷轉運因以誌別

蝨苓兔絲杓吳石魚桐扣青霜
豐鐘鏗紫氣匣劍剖龍虎
變化風雲從天涯何處無
遭逢淄澠涇渭各自媚大壑無

我皆朝宗東海鯁生最蕭索哀駘天選良非惡孤情僻性
眞窮奇乾坤莽莽懸瓠落少年隨眾逐辭場十戰九北何
郎當秋風黃葉長安道夜雨青鐙村學堂長安米貴居不
易奉母將家困僑寄摩擬潛消筆墨靈蹉跎暗折江河氣
掉頭十載京華春蠖屈自詫亦有伸先茅連拔自丁戊文
章遇合如通神前後司衡矜薦剡疊蒙聖主春風領佳話
流傳播縉紳風塵耳目爭賜啖誰知管城骨相屯境遷事
往終沈淪北堂萱謝南路絕衣食奔走嗟艱辛辛丑中州
尋舊雨失比遂遭羣小侮蘇秦游困旣喪資蔡澤途窮更
奪脯故人作宰肥子鄉爲我休蔭停跟踉笙簧文酒劇歡
會歲暮風雪忘淒涼壬寅癸卯勤講課北平試擁皋比座
地交山海少耕糧廟近夷齊嘗苦餓甲乙丙主蓮花池相

國殷勤推項斯琳宮提舉比祠祿所慚患好爲人師相府
荒涼韓愈罷承蜩伎捷斯文詫朱文曾動天子顏白字竟
遭縣尉罵丁未又困京洛塵選部有官不敢徇晏歲倉皇
走梁宋才拙豈可辭賤貧鎮洋太保人倫望寒士聞名氣
先壯戟門長揖不知慚奮書自薦無謙讓公方養痾典謁
辭延見卧榻猶嫌遲解推遽釋目前困迎家千里非透池
宋州主講緣疑夙文正祠堂權廟祝漳潭深院花木饒僑
家忽享名山福戊秋洪水割荊州大府移鎮蘇虔劉坐席
未啜又偈偈故人官毫聊相投己酉春夏江南北馳驅水
陸無休息秋冬往還江漢間災平歲稔旌門閑庚戌重來
啟書局編摩萬卷書撐屋四年轉輾五遷家疾病殤亡又
相屬雞犬圖書行李間更堪旅櫬波塵逐人言官畏屢遷

貧何況區區恃館穀自庚徂甲五春秋飽看山青江漢流
春風草綠晴川閣霽雪梅開黃鶴樓三苗背化唐虞禪軍
府勞心厲征繕殘篇自爲運籌停終報前軍殲大星三年
落魄還依舊買山空羨林泉茂祇合馳驅畢此生辭官翻
似羈官守南豐先生當代奇家學世業儒林師瀛臺星署
抗高步淮南秉節平度支歐蘇舊治卽家法大雅扶輪聲
氣洽冠蓋輻輳東南都八公四子慚孤狹潯陽使相東浦
公乃與公閱爲先容仲夏偈來秋始見白日無檄醫頭風
先生高誼雲霄上全人肩肩視甕盎問醫饋藥使頻仍自
慚何以答嘉貺臣之少也不如人況今垂老憂患頻側聞
方志許參校抵掌伸眉欲圖效眇視跋行別有優此事略
解陳前籌周官外史領方志成周一道同風治乘杌春秋

各擅名侯國改制非西京志爲國史舉全體陋儒誤認爲
圖經司書版圖有專職如何方志混白黑封建郡縣今古
殊民彝物則無隆污行人五物獻當宁風詩采貢國史序
古人經緯自分明後人不復辨牛鼠獲麟絕筆直至今歷
史得失可窺尋史遷義本風詩出比興偏長絃外音班書
典肅原經禮官儀左國融其體蔚宗習染近文人別裁間
出猶鮮新陳氏三書有微意陽魏陰劉褒貶異造奇蹈穢
心術殊尙存家法非全誣子顯齊書真破碎史作雕蟲大
道晦梁齊陳周有完缺自郇無譏一掃穢南北二史誇翦
裁斷紆敗絮如紛埃唐初晉隋出眾手晉雜隋純非例推
劉昫舊唐號蕪滓歐宋新書矜後起雖云文省事能增未
免適屨還削趾歐陽五代世稱奇學究春秋文選史元修

三史明修元大車冥冥塵未已聖人制作是爲經筆削前
朝萬世型八旗志仿全史例方志當知奉法程乃知偏主
圖經類夏蟲朝菌空紛爭迂談屢爲時俗笑山水曲待鍾
期評文定詩才本清穆山僧夜話非論篤辦香偏似遇追
摩步窘吟詩若局促南豐賢裔八面才餘事爲詩如探懷
春蠶作繭金鑄鼎化工賦物無安排瑤章惠我見欲啞措
語無多神相出纏絲厚意渥春溫但恐醫門遂多疾欲和
佳篇屢輟題小巫氣折大巫低晏歲行歸誌留別長歌強
效鷓鴣嘯

詠史

浩浩今古茫茫長途俯仰上下跼蹐微軀學書學劍卓犖
爲儒橫覽百家高挹典謨騰蹕奇偉斯稱吾徒思通入極

目想九區

大鵬一噓而迴溟渤之盈涸黃鵠再舉而知天地之方圓
世人碌碌爭界於觸蠻之內大人獨立乃能持變化之權
文弊道散莊生狂言飛騰縹緲宇宙無痕天之濱江之濱
有怪物不可馴北極羈翎南沈鱗風雷變化成一身已矣
哉陋儒日囓章句訓詁何足詢

大道如天不著言詮摩肩揣鑰不可問使我拔劍四顧心
茫然欲附高飛鵠大風吹南而反北欲騎長鯨魚驚浪駭
汗如流珠金門青瑣佩玉琚山齋茅屋間讀書鵬圖鸚笑
各有志昂然七尺將何如

登高山而望遠海乃見百川清濁紆疾之不同八方殊風
雨安能頓使賢愚臭味之交通或山而樵或水而漁獨抱

千古意不可以雜居春風東來入千家桃李參差齊作花
一壘萬木殊根荻山高巖巖水無涯

仰看鳥高飛再翺復再翺養雛三十年羽翼成文章羽翼
成文章壯士胡爲嗟嗟戚戚徒心傷珍食盈案咽不服嘗
拔劍出門我馬元黃壯心崛強不肯傷悲風吹棠梨春日
遲遲上覽高山松柏之蒼蒼下俯黃河流水之滂滂中有
孤客徬徨而躑躅不覺潛焉泣涕之沾裳

伐木丁丁鳥鳴嚶嚶出自幽谷遷於喬木喬木無枝鳥集
無時徘徊磅礴窮無所之深山有壑大澤有舟吁嗟轉蓬
隨風飄游青青子衿悠悠我心鼓瑟鼓琴笙磬同音停雲
在空靄其欲雨旋風忽起飛揚跋扈事變不常中心慘愴
客行雖樂不如還鄉

硤石

硤石橫雲路登高意轉迷地中開萬戶天上落千騎斧鑿
思神禹干戈駭晉師幽靈泣鬼魅元氣壯熊羆自古龍蛇
蟄懸知虎豹馳周秦居峻極造化擅雄奇風雨從東至星
辰欲仰披逶迤二百里直達古豐岐

晚晴移詩匯卷一百終